

CONVENIO DE COLABORACIÓN ENTRE A VICEPRESIDENCIA E CONSELLERÍA DE PRESIDENCIA, ADMINISTRACIÓN PÚBLICAS E XUSTIZA DA XUNTA DE GALICIA E O COLEXIO OFICIAL DE ARQUITECTOS DE GALICIA NO DESENVOLVEMENTO DUN CONCURSO DE IDEAS, CON INTERVENCIÓN DE XURADO, PARA A REDACCIÓN DO ANTEPROXECTO DE ADAPTACIÓN DO COMPLEXO DO ANTIGO HOSPITAL XERAL COMO FUTURA CIDADE DA XUSTIZA DE VIGO

En Santiago de Compostela, 15 de abril de dous mil dezaseis

REUNIDOS

Dunha parte, Don Alfonso Rueda Valenzuela, actuando en representación da Vicepresidencia e Consellería de Presidencia, Administracións Públicas e Xustiza, en exercicio das facultades que lle confire o artigo da 34.1 da Lei 1/1983, do 22 de febreiro, de Normas reguladoras da Xunta e da súa Presidencia.

Doutra, Don Antonio Maroño Cal, actuando en representación do Colexio Oficial de Arquitectos de Galicia, en virtude da súa condición de Decano -Presidente, elixido nas eleccións de estatutarias do 12 de maio de 2015, actuando en virtude das facultades representativas que lle atribúe o artigo 38.a) dos estatutos do Colexio Oficial de Arquitectos de Galicia, aprobados polo Decreto 293/1999, do 28 de outubro (DOG nº 221, do 16 de novembro) e Don Antonio Davila Alonso, na súa calidade de Presidente da Xunta Directiva da Delegación territorial do Colexio en Vigo e como consecuencia da súa función de coordinador, por conta do COAG, da execución do presente convenio asumida en virtude do mesmo.




As partes comparecentes recoñécense mutuamente plena lexitimación, capacidade e representación para a sinatura do presente convenio e, a estes efectos

EXPOÑEN



Primeiro.- Á Vicepresidencia e Consellería de Presidencia, Administracións Públicas e Xustiza, tal e como dispón o Decreto 72/2013, do 25 de abril, polo que se establece a súa estrutura orgánica, correspóndelle o exercicio das competencias e funcións en materia de asistencia á Administración de Xustiza, de acordo co establecido no Estatuto de Autonomía de Galicia e nos termos sinalados pola Constitución Española.

Segundo.- O Colexio Oficial de Arquitectos de Galicia, de acordo co disposto nos seus estatutos, aprobados polo Decreto 293/1999, do 28 de outubro, ten entre os seus fins realizar as prestacións de interese xeral propias da Arquitectura e do Urbanismo que considere oportunas ou que lle encomenden os poderes públicos conforme á Lei. Así mesmo, os estatutos xerais dos Colexios Oficiais de Arquitectos de España e o seu Consello Superior, aprobados por Real Decreto 327/2002, establece entre as funcións dos Colexios, no seu artigo 7.4 i), nomeadamente "prestar a colaboración que se lles requira na organización e difusión dos concursos que afecten aos arquitectos".



Terceiro.- A Vicepresidencia e consellería de Presidencia, Administracións Públicas e Xustiza e o Colexio Oficial de Arquitectos de Galicia, no ámbito das súas respectivas competencias, consideran oportuno establecer un marco de colaboración que lles permita xuntar esforzos para facilitar a consecución dos seus intereses comúns.

Cuarto.- Pola súa banda, a Lei 11/2001, do 18 de setembro, de Colexios profesionais da Comunidade Autónoma de Galicia, establece no seu artigo 7.3 que a Comunidade Autónoma de Galicia poderá subscribir convenios de colaboración cos Colexios profesionais para a realización de actividades de interese común e para a promoción de actuacións orientadas á defensa do interese público e, en especial, dos usuarios dos servizos profesionais dos Colexiados.

Quinto.- A Vicepresidencia e consellería de Presidencia, Administracións Públicas e Xustiza, no marco do Plan de Infraestruturas Xudiciais, ten previsto levar a cabo as actuacións necesarias para adaptar o complexo do antigo Hospital Xeral de Vigo para acoller a futura Cidade da Xustiza de Vigo, o que permitirá concentrar nun único edificio toda a actividade xudicial da cidade, dando cabida non só as necesidades actuais, senón tamén ás necesidades futuras da cidade de Vigo no eido da Xustiza.

Dadas as particulares actuacións técnicas que implican a adaptación dun edificio destas características a un novo uso, a Vicepresidencia e consellería de Presidencia, Administracións Públicas e Xustiza levará a cabo a selección do anteproxecto mediante a convocatoria dun concurso de ideas con intervención de xurado, xa que este tipo de procedemento permite obter propostas para unha avaliación máis completa das posibles solucións, estimulando a creatividade e dando a posibilidade ao sector de participar neste proxecto.

Para o desenvolvemento do concurso de ideas cómpre contar coa colaboración do Colexio Oficial de Arquitectos de Galicia, pola súa condición de organismo representativo da profesión de Arquitectura e das súas relacións cos poderes públicos.


Sexto.- Neste convenio non son de aplicación os principios de publicidade e concorrência pública debido ás singulares características do Colexio Oficial de Arquitectos de Galicia, pola súa representatividade na colaboración coas administracións nas materias da súa competencia

Ao abeiro de todo o exposto, no exercicio das funcións que lles son propias, as partes asinantes outorgan o presente convenio de colaboración con base ás seguintes

CLÁUSULAS

PRIMEIRA. Obxecto

O obxecto do presente Convenio é establecer as condicións de colaboración entre a Vicepresidencia e Consellería de Presidencia, Administracións Públicas e Xustiza e o Colexio Oficial de Arquitectos de Galicia, en particular a través da súa Delegación en





XUNTA DE GALICIA



Colexio Oficial de
Arquitectos de Galicia

Vigo, durante o desenvolvemento dun concurso de ideas, con intervención de xurado, para a redacción do anteproxecto de adaptación do complexo do antigo hospital xeral como futura Cidade da Xustiza de Vigo, que terá como finalidade a selección da mellor proposta.

SEGUNDA. Obrigas da Vicepresidencia e consellería de Presidencia, Administracións Públicas e Xustiza

A Vicepresidencia e Consellería de Presidencia, Administracións Públicas e Xustiza, obrígase a convocar un concurso de arquitectura co fin de seleccionar o anteproxecto que servirá de base para a redacción do proxecto básico e de execución das obras de adaptación do complexo do antigo hospital xeral como futura Cidade da Xustiza de Vigo, así como ó abono dos premios e custos derivados do mesmo que irán a cargo da aplicación presupostaría 05.21.131A.622.0 dos orzamentos xerais da Comunidade Autónoma de Galicia para o ano 2016, aprobados pola Lei 12/2015, do 24 de decembro.

Así mesmo, a Vicepresidencia e Consellería de Presidencia, Administracións Públicas e Xustiza comprométese a aboar o correspondente premio do concurso nun prazo de tres meses dende a publicación do fallo do Xurado.

Pola outra banda, e con cargo a mesma aplicación orzamentaria, a Vicepresidencia e Consellería de Presidencia, Administracións Públicas e Xustiza abonará ao Colexio Oficial de Arquitectos de Galicia a cantidade de SEIS MIL EUROS (6.000,00 €) para compensarlle polos gastos que terá que asumir en virtude da súa colaboración. Dita cantidade poderá ser liberada a medida que se vaian presentando os correspondentes xustificantes de gastos, de acordo coa Cláusula Cuarta deste Convenio.

TERCEIRA. Obrigas do Colexio de Arquitectos de Galicia

O Colexio Oficial de Arquitectos de Galicia, en particular a través da súa Delegación en Vigo, obrígase en función do presente Convenio a:

- Prestar a colaboración técnica que se requira por parte da Vicepresidencia e Consellería de Presidencia, Administracións Públicas e Xustiza, para a instrumentación e desenvolvemento do concurso de ideas, con especial atención no asesoramento en cuestións relativas á viabilidade técnica e urbanística da adaptación do edificio existente ao novo uso.
- Crear a páxina Web do concurso e aloxala na páxina Web do COAG.
- Maquetar toda a documentación, proporcionándolle unha boa calidade para difundila a través da páxina Web do concurso.
- Difundir por tódolos medios ó seu alcance a convocatoria do citado concurso entre tódolos colexiados do territorio español, co fin de acadar a participación do máximo número deles.
- Ofrecer orientación e información aos participantes na presentación das súas respectivas propostas, e colaborar na xestión das súas visitas ao Complexo do antigo Hospital Xeral.

- Colaboración na resolución das consultas presentadas á Administración en relación co concurso, e publicación das respostas ás mesmas na páxina Web do Colexio Oficial de Arquitectos de Galicia, en coordinación coa Administración.
- Entrega aos participantes da documentación en formato dixital mediante a Web do concurso e a difusión do concurso a través doutros colexios profesionais.
- Velar polos dereitos e obrigas dos concursantes no propio marco das funcións do Colexio Oficial de Arquitectos de Galicia.

Así mesmo, obrígase a formar parte do Xurado que resolverá o concurso referenciado mediante a designación de tres profesionais que actuarán como vogais.

CUARTA. Cumprimento

Para acreditar o cumprimento do establecido na cláusula terceira, e con carácter previo a cada un dos pagamentos, o Colexio Oficial de Arquitectos de Galicia entregará á Vicepresidencia e Consellería de Presidencia, Administracións Públicas e Xustiza a seguinte documentación:

- Unha memoria xustificativa das actuacións realizadas.
- Documentación xustificativa dos gastos realizados que acrediten a realización das actuacións reflectidas na antedita memoria mediante a achega de facturas, nóminas ou outros documentos de valor probatorio equivalente no tráfico mercantil.

En todo caso, no momento no que se teña realizado por parte do Colexio Oficial de Arquitectos a totalidade do obxecto do convenio, deberá aportar un certificado asinado polo Decano – Presidente onde se exprese tal circunstancia.

QUINTA. Publicidade

Este convenio será obxecto de publicación de acordo co previsto na Lei 1/2016, de 18 de xaneiro, de transparencia e bo goberno da Administración pública galega. Así mesmo, incluírase no Rexistro Público de Axudas, Subvencións e Convenios, de conformidade co Decreto 132/2006, do 27 de xullo, polo que se regulan os rexistros públicos creados nos artigos 44 e 45 da Lei 7/2005, do 29 de decembro, de presupostos xerais da Comunidade Autónoma para o ano 2006, e artigo 16 da Lei 9/2007, do 13 de xuño, de subvencións de Galicia.

As partes asinantes do convenio manifestan o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados no Portal da Transparencia e Goberno Aberto.

SEXTA. Vixencia

O presente convenio entrará en vigor o día da súa sinatura e terá vixencia ata o 30 setembro de 2016, salvo prórroga por acordo mutuo das partes antes da súa finalización para o cumprimento da finalidade nel establecida.



SETIMA. Seguimento

O seguimento da execución do presente convenio encoméndase á Subdirección Xeral de Xestión Económico -Administrativa da Vicepresidencia e Consellería de Presidencia, Administracións Públicas e Xustiza, á que deberá ser remitida toda a documentación relativa ao mesmo.

Para a interpretación de cantas dúbidas xurdan na aplicación do convenio, créase unha comisión mixta que estará integrada por un representante de cada unha das partes asinantes deste convenio.

En caso de discrepancia, e en última instancia, resolverán os órganos xurisdicionais competentes.


O incumprimento da calquera das cláusulas do presente convenio faculta a calquera das partes asinantes para instar, por escrito e cun preaviso mínimo dun mes, a resolución do mesmo.

OITAVA. Natureza

O presente convenio ten natureza administrativa e as discrepancias que xurdan pola súa aplicación serán resoltas, logo de informe ou proposta da comisión de seguimento, pola Vicepresidencia e consellería de Presidencia, Administracións Públicas e Xustiza, quedando as partes suxeitas á xurisdición contencioso-administrativa para a resolución de calquera conflito que puidese xurdir na súa aplicación.


E en proba de conformidade cos termos do convenio, as partes comparecentes asínanlo e rubricano por triplicado exemplar no lugar e data expresados

O VICEPRESIDENTE E
CONSELLEIRO DE
PRESIDENCIA,
ADMINISTRACIÓNS
PÚBLICAS E XUSTIZA




ALFONSO RUEDA
VALENZUELA

O DECANO – PRESIDENTE
DO COLEXIO OFICIAL DE
ARQUITECTOS DE GALICIA



ANTONIO MAROÑO CAL

O PRESIDENTE DA
DELEGACIÓN DE VIGO DO
COLEXIO OFICIAL DE
ARQUITECTOS DE
GALICIA



ANTONIO DAVILA
ALONSO